



# JU KANTONALNA BOLNICA ZENICA

## DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010  
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 32-02- 5671 /21  
Zenica, 30.08.2021. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

### ODLUKU

#### I

Vrši se odabir ponude ponuđača "ALFA-MED" D.O.O. TOMISLAVGRAD, kao najpovoljnije i jedine ponude za javnu nabavku usluge: preventivni servis medicinske opreme proizvođača Lowestein Medical - respiratori model ELISA 600 (4 komada) za potrebe JU Kantonalne bolnice Zenica, ukupne vrijednosti **27.216,00 KM bez uračunatog PDV-a** na period od 3 /tri/ godine.

Sa odabranim ponuđačem zaključit će se okvirni sporazum za predmetnu uslugu na ukupnu vrijednost u iznosu od 27.216,00 KM bez uračunatog PDV-a na period u trajanju od 3 /tri/ godine.

#### II

Javna nabavka je provedena putem otvorenog postupka sa namjerom provođenja e-aukcije (tender, broj: 12-47/21).

#### III

Ova odluka stupa na snagu danom donošenja.

### OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH, broj: 103/14), Komisija za javnu nabavku usluga preventivni servis medicinske opreme proizvođača Lowestein Medical- respiratori model ELISA 600 (4 komada) za potrebe JU Kantonalne bolnice Zenica, imenovana Odlukom direktora, broj: 01-02-460-1/21 od 04.08.2021.godine, podnosi direktoru JU Kantonalna bolnica Zenica izvještaj o provedenom postupku javne nabavke usluga - preventivni servis medicinske opreme proizvođača Lowestein Medical - respiratori model ELISA 600 (4 komada) za potrebe JU Kantonalne bolnice Zenica (otvoreni postupak, tender broj: 12-47/21).

Odlukom direktora, broj: 01-02-460/21 od 04.08.2021.godine pokrenut je postupak javne nabavke usluga preventivni servis medicinske opreme proizvođača Lowestein Medical - respiratori model ELISA 600 (4 komada) za potrebe JU Kantonalne bolnice Zenica ukupne procijenjene vrijednosti 27.600,00 KM bez PDV-a, na trogodišnjem nivou, otvorenim postupkom, a u skladu sa članom 19. stav (1) Zakona o javnim nabavkama BiH.

Otvoreni postupak je odabran za korištenje iz sljedećih razloga:

Članom 19. stav 1 Zakona o javnim nabavkama propisano je da Ugovorni organi iz člana 4. ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku usluga preventivni servis medicinske opreme proizvođača Lowestein Medical- respiratori model ELISA 600 (4 komada) za potrebe JU Kantonalne bolnice Zenica.

Komisija je utvrdila sljedeće:

- da je na portalu „E-nabavke“ dana 09.08.2021. godine, objavljeno obavještenje o nabavci broj 669-1-2-226-3-241/21 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 26.08.2021. godine, u 10:00 sati
- Da je planirano zaključivanje okvirnog sporazuma o javnoj nabavci roba sa jednim ponuđačem na period od 3(tri)godine
- da na portalu „E-nabavke“ nije bilo postavljenih upita vezano za predmetnu nabavku,
- Da je sa portala „E-nabavke“ tendersku dokumentaciju objavljenu 09.08.2021. godine, preuzelo ukupno 4 (četiri) potencijalna ponuđača i da je sa portala „E-nabavke“ da je javno otvaranje ponuda bilo dana 26.08.2021. godine u 10:00 sati
- da na javnom otvaranju ponuda nisu prisustvovali predstavnici ponuđača,
- da je na (tender, broj: 12-47/21), u predviđenom roku pristiglo ukupno 1 (jedna) ponuda i to ponuda ponuđača:

### 1. „ALFA-MED“ D.O.O. TOMISLAVGRAD

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	Najniža cijena tehnički zadovoljavajuće ponude
1.	ALFA-MED“ D.O.O. TOMISLAVGRAD	Ukupna cijena ponude (bez PDV-a) 27.216,00 KM

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

### USLOVI ZA KVALIFIKACIJU

**Ponuđač je dužan u svrhu dokazivanja lične sposobnosti iz člana 45. ZJN BIH dokazati da:**

- u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili zemlji u kojoj je registrovan;
- je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave ili notara) izjavu koja je sastavni dio tenderske dokumentacije. Izjava ne smije biti starija od 15 /petnaest/ dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze (original ili ovjerenu kopiju) u svrhu dokazivanja činjenica potvrđenih u izjavi i to:

- izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze,

dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 7 /sedam/ dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Za ponuđače čije je sjedište izvan Bosne i Hercegovine ne traži se posebna nadovjera.

Dokazi se dostavljaju kao neovjerene kopije originala, s tim da datum izdavanja originala za uslov pod tačkama ne može biti stariji od 3 /tri/ mjeseca računajući od dana dostavljanja ponude. Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

**Ponuđač je dužan u svrhu dokazivanja sposobnosti obavljanja profesionalne djelatnosti iz člana 46. ZJN BiH dokazati da je:**

- a.) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude.
- b.) da je ovlašteni distributer za predmet javne nabavke u BiH

U svrhu dokazivanja uslova iz tačke 3.2. alineja a) ponuđač je dužan dostaviti:

- a.) aktuelni izvod iz sudskog registra ili izjavu ili potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke u vrijeme predaje ponude.
- b.) izjava ponuđača da je ovlašteni distributer za predmet javne nabavke (dostavlja se originalna izjava)

Dokazi se dostavljaju kao neovjerene kopije originala, s tim da datum izdavanja originala za uslov pod tačkama a) i b) ne može biti stariji od 3 /tri/ mjeseca računajući od dana dostavljanja ponude.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke. Ponuđač koji bude odabran kao najbolji u ovom postupku javne nabavke je dužan dostaviti original ili ovjerenu kopiju ranije navedenih dokumenata u roku od 7/sedam/ dana od dana zaprimanja obavještenja o rezultatima ovog postupka javne nabavke. Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom.

**Ponuđač je dužan u svrhu dokazivanja tehničke sposobnosti kandidata iz člana 50. ZJN BiH dokazati da:**

- a) posjedovanje autorizacije ili ovlaštenja za pružanje usluge preventivnog servisa opreme proizvođača Lowestein Medical-respiratori model ELISA 600 za područje BiH,
- b) da ima angažovano tehničko osoblje za poslove servisiranja predmetne opreme.

U svrhu dokazivanja uslova iz tačke a) i b) ponuđač je dužan dostaviti:

- a) kopija dokumenta o autorizaciji ili ovlaštenju izdat od strane proizvođača opreme Lowestein Medical o pružanju usluga preventivnog servisa predmetne opreme u BiH,
- b) spisak angažovanih ovlaštenih certificiranih servisera (najmanje jednog), sa adresama i kontakt telefonima, potpisan od strane ponuđača (originalan dokument).

- c) certifikate za servisere izdate od strane proizvođača opreme (obična kopija), prevedene na jedan od službenih jezika BiH od strane ovlaštenog prevoditelja.

**Ponudač je dužan u svrhu dokazivanja ekonomske i finansijske sposobnosti iz člana 47. ZJN BiH dokazati**

- a) da je glavni transakcijski bankarski račun ponuđača aktivan i solventan

U svrhu dokazivanja uslova iz tačke 3.4., ponudjač je dužan dostaviti:

- a) izjava ovjerena od strane ponuđača, koja je dostavlja u formi iz Prilog broj 4. TD, koja ne smije biti starija od 15 (petnaest) dana od dana predaje ponude,  
 b) dostavljanje običnih kopija dokumenata/dokaza za uslov naveden u alineji a) odgovarajućeg dokumenta/ dokaza koji izdaje banka ponuđača a kojim se dokazuje ispunjenje uslova da je glavni transakcijski bankarski račun ponuđača aktivan i solventan (potvrda banke ponuđača da ponudač ima otvoren solventan račun kod iste i da je ujedno taj račun glavni). Dostavlja se kao neovjerena kopija originala, s tim da datum izdavanja originala ne može biti stariji od 15 dana računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 dana od dana zaprimanja obavještenja o rezultatima ovog postupka javne nabavke.

**Izjave i dokumenti o uslovima isporuke i obezbjeđivanju servisne podrške predmetne usluge koje su sastavni dio ponude ponuđača:**

- a) Izjava ponuđača da rok izvršenja predmetne usluge ne može biti duži od 30 (trideset) dana od dana slanja elektronske narudžbe prema potrebama Ugovornog organa u skladu sa tačkom 2.5. TD  
 b) Izjava ponuđača o davanju garancije na izvršene usluge i ugrađene rezervne dijelove u trajanju od minimalno 6 (šest) mjeseci, odnosno da ima obezbijedjen besplatan servis u toku trajanja navedene garancije,  
 c) Izjava ponudjača o nepromjenljivosti cijene iz ponude za sve vrijeme trajanja okvirnog sporazuma,  
 d) Izjava ponuđača o roku izvršenja predmetne usluge u skladu sa tačkom 2.5. TD  
 e) Izjava ponuđača o mjestu izvršenja usluge u skladu sa tačkom 2.4. TD,  
 f) Izjava ponuđača o opciji važenja ponude u skladu sa tačkom 4.11. TD,  
 g) Izjava ponuđača o prihvatanju bezavansnog plaćanja u roku od 60 /šezdeset/ dana od dana prijema fakture na protokol naručioca u skladu sa 6.6. TD,  
 h) Izjava ponuđača da u zadnje 3 (tri) godine nije imao raskid ugovora o isporuci robe/usluge kod ugovornog organa-JU KB Zenica, zbog neizvršenja ugovornih obaveza,  
 i) Izjava ponuđača o prihvatanju elektronske korespodencije sa Ugovornim organom,  
 j) Izjava ponuđača o nepromijenljivosti cijena rezervnih dijelova za predmetnu medicinsku opremu proizvođača Lowestein Medical –respiratori model ELISA 600(koji su sastavni dio ponude) za vrijeme trajanja okvirnog sporazuma  
 k) Izjava ponuđača da će održavanje opreme i njeno ispitivanje sprovesti sa maksimalnom pažnjom i odgovornošću,  
 l) Izjava ponuđača da ukoliko se dokaže da je davalac usluge na predmetnom uređaju načinio štetu odnosno da je pogoršao njegovu funkcionalnost i sigurnost istu nadoknaditi

**PONUĐA MORA SADRŽAVATI:**

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)  
 b) Obrazac za ponudu, popunjen, potpisan i ovjeren od strane ovlaštene osobe, Prilog broj 1 TD;  
 c) Obrazac za cijenu ponude, popunjen, ovjeren i potpisan od strane ovlaštene osobe, Prilog broj 2 TD;  
 d) Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama, u skladu sa tačkom 3.1. TD, Prilog broj 3 TD;  
 e) Obične kopije dokumenata kojima ponudač dokazuje ispunjenost uslova iz člana 46. ZJN BiH, u skladu sa tačkom 3.2. TD  
 f) Dokumentacija u skladu sa tačkom 3.3. TD o ispunjavanju uslova iz člana 50. ZJN BiH

- g) Izjava i obična kopija dokumenta kojima dokazuje da ispunjava tražene uslova iz člana 47. Zakona o javnim nabavkama, u skladu sa tačkom 3.4. TD, Prilog broj 4 TD;
- h) Izjave ponuđača, ovjerene i potpisane od strane ovlaštene osobe u skladu sa tačkom 3.5. TD
- i) Izjava ponuđača o prihvatanju garancije za uredno izvršenje ugovora u visini od 10% od vrijednosti okvirnog sporazuma, Prilog broj 5 TD
- j) Pismena izjava ponuđača iz člana 52. Zakona o javnim nabavkama BiH, ovjerena od strane nadležnog organa (norar, općina ili sud), Prilog broj 6 TD;
- k) Obrazac/forma garancije za uredno izvršenje okvirnog sporazuma, Prilog broj 7 TD;
- l) Obrazac povjerljive informacije, Prilog broj 8 TD;
- m) Nacrtni okvirnog sporazuma, popunjen, ovjeren i potpisan od strane ovlaštene osobe, Prilog broj 9 TD;
- n) Izjava o prihvatanju općih i posebnih uslova tenderske dokumentacije, Prilog broj 10 TD;
- o) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude

**KOMISIJA KOJA PROVODI PREDMETNU JAVNU NABAVKU USLUGE – PREVENTIVNI SERVIS MEDICINSKE OPREME PROIZVOĐAČA LOWESTEIN MEDICAL-respiratori model ELISA 600( 4 komada) ZA POTREBE JU KANTONALNA BOLNICA ZENICA KONSTATOVALA JE DA JE PONUĐAČ „ALFA-MED” D.O.O. TOMISLAVGRAD U SVOJOJ PONUDI DOSTAVIO SLJEDEĆE DOKUMENTE:**

- Naslovna strana ponuđača
- Lista dostavljenih dokumenata za predmetnu nabavku, na memorandumu ponuđača, potpisana i ovjerena od strane ovlaštene osobe ponuđača
- Podaci o ponuđaču, na memorandumu ponuđača, potpisano i ovjereno od strane ovlaštene osobe ponuđača
- Obrazac za dostavljanje ponude, Prilog broj 1, popunjen, potpisan i ovjeren od strane ovlaštene osobe ponuđača
- Obrazac za cijenu ponude, Prilog broj 2, popunjen, potpisan i ovjeren od strane ovlaštene osobe ponuđača
- Izjava o ispunjenosti uslova iz člana 45. Stav (1) tačaka od a) do d) ZJN BiH, Prilog broj 3, potpisana i ovjerena od strane ovlaštene osobe ponuđača i ovjerena od strane nadležnog organa dana 19.08.2021. godine
- Potvrda izdata od strane Općinskog suda u Livnu, broj: 068-0-Su-21-000 959 dana 12.07.2021. godine, kojom se potvrđuje da pravna osoba "ALFA-MED" d.o.o. Tomislavgrad nije pod stečajem i likvidacijom, te nije pred postupkom za proglašenje stečaja, niti izdavanja naloga za prisilnu likvidaciju, kopija ovjerena od strane nadležnog organa dana 19.08.2021. godine
- Uvjerenje izdato od Porezne uprave Federacije BiH, Kantonalni porezni ured Livno, Porezna ispostava Tomislavgrad, broj 13-10/01-12-5-1845/21 dana 16.06.2021. godine, da ponuđač nema duga po osnovu javnih prihoda, kopija ovjerena kod nadležnog organa dana 19.08.2021. godine
- Lista osiguranih lica za obveznika, izdata od Porezne uprave Federacije BiH, Kantonalni porezni ured Livno, Porezna ispostava Tomislavgrad, broj 13-10/01-12-41-1844/21 dana 16.06.2021. godine, kopija ovjerena kod nadležnog organa dana 19.08.2021. godine
- Uvjerenje izdato od Uprave za indirektno-neizravno oporezivanje, Regionalni centar Mostar, broj 02/6/III-16-11-2-2619/21 dana 03.06.2021. godine, da ponuđač na dan 03.06.2021. godine nema dospjelih, a neizmirenih obaveza po osnovu indirektnih poreza, ostalih prihoda i taksi definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinostveni račun i raspodjeli prihoda, kopija ovjerena kod nadležnog organa dana 19.08.2021. godine
- Uvjerenje izdato od OPĆINSKI SUD U LIVNU, ODJELJENJE SUDA U TOMISLAVGRADU, broj: 068-2-PR-SU-21-000110 dana 16.06.2021. godine, kojom se potvrđuje da ponuđač nije osuđivan u sudskom postupku pravosnažnom presudom za djela organizovanog kriminala (korupciju, prevaru ili pranje novca) sukladno odredbama člana 45. stav 1. točka (a) ZJN, u skladu sa važećim propisima u Bosni i Hercegovini ili u zemlji u kojoj je registriran, ovjereno od strane nadležnog organa dana 19.08.2021. godine
- Aktuelni izvod iz sudskog registra, Općinski sud u Livnu, od 07.06.2021. godine, kopija ovjerena od strane nadležnog organa dana 19.08.2021. godine
- Izjava ponuđača da je ovlašten distributer za predmet javne nabavke u BiH, potpisana i ovjerena od strane ovlaštene osobe ponuđača
- Autorizacija proizvođača, na engleskom jeziku, scan ovjeren od strane nadležnog organa dana 19.08.2021. godine
- Certifikat za serviseru, Anes Huseinspahić, na engleskom jeziku, scan ovjeren od strane nadležnog organa dana 19.08.2021. godine

- Izjava ponuđača da posjeduje vlastiti servis za servisiranje ponuđene u Tomislavgradu, a samim time i osiguran servis uz pripadajuću opremu, potpisana i ovjerena od strane ovlaštene osobe ponuđača
- Potvrda Agencije za lijekove i medicinska sredstva BiH, broj: 06-07.4-1-1002-1/17 od 20.03.2017. godine o upisu medicinskog sredstva u Registar medicinskih sredstava Bosne i Hercegovine (sa kataloškim brojevima), za period do 19.03.2022. godine, scan ovjeren od strane nadležnog organa dana 19.08.2021. godine
- Izjava o ispunjenosti uslova iz člana 47. stav (1) tačaka od a) do d) i (4) ZJN BiH, Prilog broj 4, popunjena, potpisana i ovjerena od strane ovlaštene osobe ponuđača i ovjerena od strane nadležnog organa dana 19.08.2021. godine
- Potvrda izdata od Raiffeisen BANK, Glavna Filijala Sarajevo, Agencija Tomislavgrad, broj 03021/21 dana 19.08.2021. godine, da transakcijski račun ponuđača u periodu od 18.08.2020.godine do 18.08.2021 nije bio blokiran niti je ponuđač imao zabranu raspolaganja sredstvima na transakcijskom računu, original dokument
- Obavjest izdata od Raiffeisen BANK, Agencija Tomislavgrad, broj 78/2021 dana 19.08.2021. godine, da je računu ponuđača dodijeljen status glavnog računa, original dokument
- Izjava ponuđača da rok izvršenja predmetne usluge ne može biti duži od 30 (trideset) dana od dana slanja elektronske narudžbe prema potrebama Ugovornog organa u skladu sa tačkom 2.5 TD, potpisana i ovjerena od strane ovlaštene osobe ponuđača
- Izjava ponuđača da daje garanciju na izvršene usluge i ugrađene rezervne dijelove u trajanju od minimalno 6 (šest) mjeseci, odnosno da ima obezbijeđen besplatan servis u toku trajanja navedene garancije, potpisana i ovjerena od strane ovlaštene osobe ponuđača
- Izjava ponuđača da cijene iz ponude ostaju nepromijenjene za vrijeme trajanja okvirnog sporazuma, potpisana i ovjerena od strane ovlaštene osobe ponuđača
- Izjava ponuđača da je rok izvršenja predmetne usluge u skladu sa tačkom 2.5 TD, potpisana i ovjerena od strane ovlaštene osobe ponuđača
- Izjava ponuđača da je mjesto isporuke predmetne robe u skladu sa tačkom 2.4 TD, potpisana i ovjerena od strane ovlaštene osobe ponuđača
- Izjava ponuđača da je opcija važenja ponude u skladu sa tačkom 4.11 TD, potpisana i ovjerena od strane ovlaštene osobe ponuđača
- Izjava ponuđača da prihvata bezavansno plaćanje u roku od 60 (šezdeset) dana od dana prijema fakture na protokol naručioca u skladu sa tačkom 6.6 TD, potpisana i ovjerena od strane ovlaštene osobe ponuđača
- Izjava ponuđača/firme Alfa-med d.o.o. Tomislavgrad, da u zadnje 3 (tri) godine nije imala raskid ugovora o isporuci roba/usluge kod ugovornog organa JU KB Zenica, ubog neizvršenja ugovornih obaveza, potpisana i ovjerena od strane ovlaštene osobe ponuđača
- Izjava ponuđača da prihvata elektronsku korespondenciju sa Ugovornim organom, potpisana i ovjerena od strane ovlaštene osobe ponuđača
- Izjava ponuđača da cijene iz ponude ostaju nepromijenjene za rezervne dijelove za predmetnu medicinsku opremu proizvođača Löwenstein Medical – respiratori model Elisa 600 (koji su sastavni dio ponude) za vrijeme trajanja okvirnog sporazuma, potpisana i ovjerena od strane ovlaštene osobe ponuđača
- Izjava ponuđača da će održavanje opreme i njeno ispitivanje sprovoditi sa maksimalnom pažnjom i odgovornošću, potpisana i ovjerena od strane ovlaštene osobe ponuđača
- Izjava ponuđača da ukoliko se dokaže da je davalac usluge na predmetnom uređaju načinio štetu, odnosno pogoršao njegovu funkcionalnost i sigurnost, da će istu i nadoknaditi, potpisana i ovjerena od strane ovlaštene osobe ponuđača
- Izjava ponuđača da je validnost ponude 120 (stodvadeset) dana od dana isteka roka za podnošenje ponuda, potpisana i ovjerena od strane ovlaštene osobe ponuđača
- Obrazac izjave o dostavi garancije za uredno izvršenje ugovora, Prilog broj 5, popunjen, potpisan i ovjeren od strane ovlaštene osobe ponuđača
- Pismena izjava iz člana 52. Zakona o javnim nabavkama, Prilog broj 6, popunjena, potpisana i ovjerena od strane ovlaštene osobe ponuđača i ovjerena od strane nadležnog organa dana 19.08.2021. godine
- Forma garancije za uredno izvršenje okvirnog sporazuma, Prilog broj 7, potpisana i ovjerena od strane ovlaštene osobe ponuđača
- Povjerljive informacije, Prilog broj 8, potpisano i ovjereno od strane ovlaštene osobe ponuđača,
- Nacrt okvirnog sporazuma, Prilog broj 9, popunjen, potpisan i ovjeren od strane ovlaštene osobe ponuđača
- Obrazac izjave o prihvatanju općih i posebnih uslova tenderske dokumentacije, Prilog broj 10, popunjen, potpisan i ovjeren od strane ovlaštene osobe ponuđača

**Analizom ponude ponuđača „ALFA-MED” D.O.O. TOMISLAVGRAD, Komisija koja provodi predmetnu javnu nabavku utvrdila je da dostavljena ponuda uvezana na način propisan TD, da je ponuđač dostavio**

„ORIGINAL“ i „KOPIJU“ ponude kako je traženo TD u skladu sa tačkom 4.2.TD, da je imenovani dostavio sve tražene dokumente, obrasce, izjave, ovjerene od strane nadležnog organa i ovlaštene osobe, prema uputama i uvjetima postavljenim u TD, a iz svega se može utvrditi da ponuđač „ALFA-MED“ D.O.O. TOMISLAVGRAD ispunjava uslove u pogledu:

- lične sposobnosti iz člana 45. ZJN BiH a u vezi sa tačkom 3.1. TD,
- profesionalne djelatnosti iz člana 46. ZJN BiH a u vezi sa tačkom 3.2. TD,
- tehničke i profesionalne sposobnosti iz člana 48. i 49. ZJN BiH u skladu sa tačkom 3.3. TD
- ekonomske i finansijske sposobnosti iz člana 47. ZJN BiH u vezi sa tačkom 3.4. TD,
- te su dostavljene sve izjave u skladu sa tačkom 3.5. TD

Obzirom da je detaljnim pregledom ponude utvrđeno da ponuđač nije u cjelosti postupio u skladu sa tačkom 3.1. TD odnosno da nije dostavio svu traženu dokumentaciju iz člana 45. ZJN BiH ističe biti dužan da je dostavi u roku od 7 dana od dana prijema Odluke o izboru u proivnom će ugovorni organ smatrati da je imenovani odustao d svoje ponude u predmetnijoj javnoj nabavci.

Prema svemu gore navedenom ponuda ponuđača „ALFA-MED“ D.O.O. TOMISLAVGRAD u predmetu nabavke usluga - preventivni servis medicinske opreme proizvođača Lowestein Medical - respiratori model ELISA 600 (4 komada ) za potrebe JU Kantonalne bolnice Zenica u cjelosti ispunjava uslove postavljene u TD i kao takva prihvatljiva je ugovornom organu u cjelosti.

U tenderskoj dokumentaciji za nabavku usluga: Preventivni servis medicinske opreme proizvođača Lowestein Medical- respiratori model ELISA 600 (4 komada ) za potrebe JU Kantonalne bolnice Zenica na period od 3 (tri) godine JRJN oznaka predmeta nabavke: 50421000-2 Usluge popravaka i održavanja medicinske opreme, ukupna vrijednost nabavke iznosi 27.600,00 KM, bez uračunatog PDV-a  
Kriteriji za dodjelu ugovora je:

a) Najniža cijena tehnički zadovoljavajuće ponude

Također, tenderskom dokumentacijom planirano je provođenje e-aukcije.

Obzirom da je nakon provjere kvalificiranosti ponuđača utvrđeno da samo 1 /jedan/ ponuđač ispunjava kvalifikacione uslove tražene TD, provođenje e-aukcije u tom se slučaju ne provodi iz objektivnih razloga, u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj 66/16) i kriterijima za dodjelu ugovora definisanim tenderskom dokumentacijom.

Komisija je izvršila vrednovanje jedine dostavljene ponude:

R. BR. PONUDE	PONUĐAČ	CIJENA bez PDV-a u KM
1.	„ALFA-MED“ D.O.O. TOMISLAVGRAD	27.216,00

Procijenjena vrijednost nabavke je 27.600,00 KM bez PDV-a.

Shodno utvrđenoj kvalificiranosti jedinog kandidata, Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da za javnu nabavku usluga - preventivni servis medicinske opreme proizvođača Lowestein Medical - respiratori model ELISA 600 (4 komada) za potrebe JU Kantonalne bolnice Zenica (otvoreni postupak, broj: 12-47/21) izvrši odabir najpovoljnije i jedine kvalificirane ponude i donese Odluku o dodjeli i zaključenju okvirnog sporazuma na period od 3 (tri) godine, sa ponuđačem „ALFA-MED“ D.O.O. TOMISLAVGRAD na ponuđenu vrijednost ponude u iznosu od 27.216,00 KM bez uračunatog PDV-a.

Na osnovu gore navedenog, donesena je odluka kao u dispozitivu.

#### POUKA O PRAVNOM LIJEKU:

Protiv ove odluke može se uložiti žalba  
Kantonalnoj bolnici Zenica u roku od 10 /deset/  
dana od dana prijema iste.



DIREKTOR

Prof.dr.sc.prim Skomorac Rasim

*Anela J. Anđelić*

